

جامعة سيدة اللويزة ١٥ / ١٠ / ٢٠١٤

لجنة أهالي المخطوفين والمفقودين
في لبنان
علم وخبر ٢٩/أد

عدي ٣ دقائق حكي.. رح اطلب منكم الوقوف دقيقة صمت تكريماً لجميع المفقودين ولأهاليهم..

بعد يومين ببصير عمرنا -٣٢ سنة.. اسمحولي عرفكم مين نحنا؟
قبل الحرب كنا متلكن، مثل كل الناس، كل واحد منا كان عندو اسم.. بعد الحرب صار اسمنا أهالي المفقودين.. صرنا طايفة.. بس هالطايفة شوي غريبة عن المألوف ببلدنا.. طائفة مختلفة عن بقية الطوائف لأنها بتضم ناس من كل الأديان والمذاهب والأعمار والمناطق والجنسيات والمهن...

نحن ما اخترنا نكون أهالي مفقودين، ما اخترنا الانتماء لهالطايفة الغريبة ولا أحببنا يللي انفقدوا هني اختاروا. قضيتنا بتشبهنا.. قضيتنا متلنا، يعني لا نحنا ولا هي قابلين انو نتجزأ، يعني نحنا طايفة عصبية على الاقتسام والتخاصص بين زعماء الدين والسياسة.. منشان هيك ما تبتأنا زعيم ولا رئيس ولا وكيل ولا راع ولا فريق ... نحن ما عنا مرجعية غير الدولة .. من ٣٢ سنة عم نركض وراها ونقلها نحنا ولادك يادولة.. انت مسؤولة عنا وعن ولادنا.. وحقنا نعرف شو صار فيهم. ومنقول بكل راحة ضمير انو لحديت هلق الدولة ما قامت وما عم تقوم بواجباتها تجاهنا مثل ما عملت الدول يلي عاشت حرب وظروف مشابهة وحلت قضية المفقودين عندها.. ليش عنا ما في حل؟

كل شي حققناه بهالمسار الطويل والمضني كان بالضغط وبطلوع الروح.. وبتكاتف بعض من المجتمع .. نحنا عاطول من فكر انو لو مرة وحدة، لو مسؤول واحد حط حالو محلنا شو كان بيعمل اذا ابنو ما رجع عالبيت شي ليلة ، أو اذا تأخر بدون ما يكون عاطي علم مسبق!!
بهالفيلم اجا مين يحط حالو محلنا، محل الأمهات والزوجات والاخوات والأبناء يعيش يومياتهم، يفكر مثل ما بفكروا بكل دقيفة، بالليل بالنهار.. هني وعم ياكلوا، هني وعم يشربوا، هني وعم يناموا ووقت بيقيقوا.. وشو ما كانوا عم يعملوا.. ووين ما كانوا ..

باسم جميع أهالي المفقودين والمخفيين قسرا، يللي حاضرين معكم اليوم ، والللي غابوا عن هالذني قبل ما يعرفوا شو صار بولادنا، وباسم الللي منعهم المرض أو الشيخوخة انو يكونوا معنا، أقول:
شكراً للفنان جورج خبز، شكراً للطلاب المخرجين وليللي ساعدوهم، للممثلين، لجامعة سيدة اللويزة بيهنتيتها الادارية والتعليمية ولطلابها كافة ..

بحب قول بهالمناسبة ويللي مصادفة مع عيد ميلاد لجنتنا (الله يقصر بعمرها) انو هالعمل رح يعطينا قيمة إضافية لل٣٢ سنة الللي أعطيناها من حياتنا وما نزال.. وكمان رح يكبر الأمل بقدرتنا على تحقيق حل عادل وعلمي لقضيتنا طالما انتو الشباب والصبايا وقفنوا حدنا، طالما انكم مؤمنين بحق المعرفة.. كمان رح نكون مطمئنين وبالننا مرتاح لآنو لا انتو ولا كل جيلكم رح ينجر عا حرب جديدة ويصير فيه ضحايا ومفقودين جداد.